



## **Universitätsbibliothek Paderborn**

### **Asiaticae Historiae Societatis Iesv Pars ...**

Libris Qvatvor Comprehensa: Vbi praeter res gestas à Patribus Societatis Iesv in conuersione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

**Bartoli, Daniello**

**Lvgdvni, 1670**

4. Situs, amplitudo, munimenta Sin.

**urn:nbn:de:hbz:466:1-10757**

Imperium transit. Noui enim tunc Reges , neuo se faustoque appellant nomine , à quo tamdiu & Sinæ , & domus regia , & ætas eiusdem sub familia Imperio consequens nominatur. Ex quo mirum lux quanta Historia illorum affulgeat , ob succedentium principum ordinatissimas series ex quibus contextitur, discerniturque temporum ratio , consignatis semper , regnantis familie nomini annorum gestis per quos illa sceptrum tenuerit. Extant eiusmodi nomina , sanè insignia , & significatu arcane mita , in descriptione familiarum regalium , quale , vt alia ræcam , bellicosissimi illius Ciui , qui ante annos ferè quadringtonos ex sacrificuli Ethnici coquulo , in Humuum mutatus (quo bellicolum significant) & Ducem armorum formidandum , fregit , retrusisque extra murum ingentem Tartaros qui septuagesimum iam annum Sinas opprimebant , translatoque armis ab Iuena stirpe in suam Imperio , tūm sibi , tūm quod consequens erat Sinis , tūm suæ dūm illa rerum potiretur familiæ gloriosum Tamin indidit titulum , qui eximius splendor , & sol primus apud nos efferretur ; cuius etiamnum superstes est tenuis & ultimus radius , in Rege iuuene , quem in montium latebras , Sinarum hand pridem dominus Tartarus coegit , ad vitam in regni angulo seruandam qui solus fidem constanter ipsi seruauerat. Sequitur nunc diagraphica Sinarum delineatio. Ea fermè in quadrum tenditur parte altera longius , eius maximo lateti probatissimæ obseruationes gradus assignant in meridiano circulo tres & viginti , ab insula Hainan , transmurmurum usque Tartaris obiectum : iacet enim Hainan sub gradu nono & decimo ; murus post quadragesimum secundum latitudinis borealis. Nam postquam P. Matthæus Riccius urbem regiam Pechin primus omnium comperit quadragesimo subiacere ; murum autem illum , dierum ægrè duorum itinere , ad Septentrionem accedere propius , clarum fuit spatio interiecto gradus relinquì non integrè duos , tribus enim circiter diebus , vnum tantum gradum Sinenes obeunt. Latus alterum quadrati breuius ab ortu in occasum , sunt qui triginta definiunt gradibus , quos erroris tūm ipse Riccius , tūm qui ante illum scripsere conniunct , ipsæque adeo tabulæ , cum extrema lateris maximè lemota gradus contineant dumtaxat viginti ; pro ratione breuitatis quæ tantum contrahit parallelos , quantum ab aquatore recesserint. Sed longitudinem quam dicunt Geographi certò statuere id verò est operosius , spatium , inquam , à Meridiano fortunatis insulis imminentis , ex quo illam solent dimetiri. Obseruati enim ad eam signandam defectus lumen , & hoc ad nos Macao , Sciaochino , Pechino , aliunde transmissi , omnino inter se plus dissident , quam ferre possit varietas tūm cartarum Astronomiarum , tum qualiumcumque organorum. Quare regiam Pechin totius Imperij locum vnicè memorandum , non ausim potius à Palma insula longitudine graduum centum quadraginta disiungere , quam centum quadraginta quinque , cum utriusque ad manum in promptu habeam seruata de celo ; tametsi ne quid dissimulem quæ de Iaponia venerunt priorem

4.  
Situs, ampli-  
tudo , muni-  
menta Sin.

priorem magis sententiam adstruant. Sed ab hac Sinarum circumscriptione, regna excludo clientelaria quæ Sinarum nec iure, nec nomine veniunt. Iam hæc tanta locorum immensitas, intra se natura, & arte manuque ita concluditur, ut arem referat, muro fossa & aggeribus anxiè munitam, & illic præcipù tutam, vbi erat hosti magis obnoxia, nam mare geminum quo ab ortu & austro alluitur, cingunt perpetuæ insulæ, & cæci scopuli, molesque arenarum, & proiecta in aquas acuminata cupium, tam dense continua ut naues bellicæ cogantur procul absistere, pectorioræ extremo periculo locum tentent, quod eum fluctus æstuantis reciprocatio, & torrentes yndarum accessus & recessus, infamem naufragiis fecerint. Quæ si parum tutos externo ab hoste Sinas illa ex parte muniant, tuerit illos insani Tiphonis rabies illic violenter quæ totto alijs oriente, qui Tipro ab iis propterea, hoc est ventus magnus ex prærogatiua furendi ac nocendi vocatur; nam sæpe correptas sublimè attollit etiam onerarias, carina vix vandas lambente, contortasque in littus comminuit. Ad hæc mare procellis decussatum, quasi multa inter se pugnantia maria committit. Horis enim quatuor & viginti, tanta est formidabilis venti vis, nautici gnomonis quadrantes omnes obit, totumque orizontem circulo integro tempestatum inuoluit. Sic ergo à mari egregiè tutos, cingit ab occasu catena montium, qua confines arcentur, in regna quidem plurima diuisi, sed quæ iunctis etiam viribus, mouere in Sinas nihil valeant, multo minus seorsum singula, numeratur in iis regnum Anan (quod Cocincinam, & Tunchin complectitur) Pegu, Mien, Laum, Tibetum, diu pro Cataio perperam creditum, aliisque non paruo numero, propius longius semota. Restabat tractus septentrionalis, minus ceteris ab hoste securus, vbi Sinis imminent Tartari, suntque illis præcipù metuendi; et si enim multum & situ & animis inter se distracti, sed multitudine innumerabiles, & vbi de Sinis agitur, omnes concordibus inimicitis in eos infensi. Hac illos defendunt Sciami deserta squalore sterili & immanibus arenis non modo inhospita; sed etiam inuia, cum mense vt ferunt, integro ad ea sit opus hæc circuitu vario longa curuantur in spatia, & regni Tibetici cuius è regione incipiunt toto latere superato, in ortum flectunt, Sinas radunt, eosque ab Tartaris Sarmandæ, & Taij discernunt; inde Septemtrionem versus tendunt & incerto exitu clauduntur. Quanquam, & hos, & alios Tartaros Niuchenses maximè qui Chini appellantur, verguntque ad ortum, defendant ab se mirabili opere Sinenses. Muro nempe illo fama celebri decantato, de quo hic necessariò dicendum. Caput familie regiæ Cin antiquissimæ & illustrissimæ, Princeps fuit armorum gloria, & magnificentia operum apud Sinas nemini secundus, cùmque Literati habent perpetuo in ore, is aut somnio monitus, aut vaticinio, aut forte verius, sagacitate mentis eximiè prouida, præsensit Tartaros, ut primum faueret occasio, irruptionem in Sinas facturos, & inundaturos totum imperium. Præsensione

A 3

5.  
Murus inter  
Sin. & Tar-  
taros.